

ハ 6  
190  
1



八番  
貳拾四卷

可

凡例

和6  
190  
1

四海咸

唯種像

武林王履階增鐫

文帝全書

仁和關 槐校訂

此書敬請家庭供奉不但驅邪解厄而且諸事吉祥消災降福靈應異常  
汪繩武敬啟

顧唯種像

四海咸

和  
門八  
號 190  
卷 1

文帝全書叙畧

嘗思人爲萬物之靈。受天地生成之德。性本良善。念實  
仁慈。無奈世俗漸澆。人心不古。日用倫常之理。日以晦  
昧。是以福業銷微。壽多夭折。此乃人道之不修。非天心  
之有異也。陛幸沐詩書之澤。稍知修省之方。樂善有懷。  
推誠共濟。重廣福田。行時時之方便。復平心地。作種種  
之陰功。利物利人。天增祿壽。修善修福。神降禎祥。顧唯  
古聖之書。詳於因果。切於忠孝者。莫如  
文帝全書。歷古以來。靈應彰彰。炳如星日。凡在四海。咸

沐

神麻。故特秉誠心。增刊流布。仰希 貴國。眾善奉行。同心向道。虔奉者獲福無窮。褻視者罪過不淺。惟冀廣佈瓊函。大昌

帝化。則奎壁之光。東西普照。仁壽之域。山海聯輝。庶不負 陛增訂之深衷耳。

乾隆四十年歲次乙未仲夏吉旦

武林雲軒氏王世陞履階沐手敬書

序

周官大宗伯以禋燎祀司  
中司命天官書叙文昌太  
星司中司命列焉然則文  
昌之祀由來舊矣古者五

文淵閣書  
壹序  
行之官祀爲貴神肩吾處  
於泰山傳說託於龍角生  
爲明聖歿爲明神其理固  
然無足異者予讀文昌化  
書考帝君之事發跡於周

顯靈於唐證果於宋位次  
天帝居文昌宮實爲六星  
之主其自言以孔孟伊周  
之學仁義道德之教綜仙  
釋之靈通顯桂錄之功用

分身應化救劫度生巍巍  
乎功化之隆弗可及已昔  
先王父以孝弟之德馨聞  
於天帝君嘗降神於家復  
遣真師後先訓迪闡幽明

之故決生死之幾其言深  
切著明實與六經四子相  
表裏予因是知鬼神之神  
之盛而福善禍淫之理昭  
昭然與人道相始終而聖

人與民同患之心上下幽  
明初無有二也帝君立教  
之書以本願經孝經陰騭  
文爲最著度生之心莫切  
於是其他因人設訓往往

見於他書仁和通家關柱  
生輯文帝全書抄其目錄  
寄予曰願有述也予嘉其  
志因以兒子紹升所輯質  
神錄畀之併刻於外函俾




閱者曉然知帝君立教之  
旨後先一揆而先王父所  
以事天之實亦從可見焉  
詩云敬之敬之天惟顯思  
子曰丘之禱久矣讀是書

者其以此意求之庶可毋  
疑於天人之際矣

賜進士及第

誥授光祿大夫兵部尚書

長洲彭啓豐敬序



序

帝君於穆儲精調元輔化昭赫於耳目間已非  
 一日其淳耀則上昭於天戴斗匡六珠邇向紫  
 垣與璇璣七座同樞布運歷古以來時或降神  
 爲三才之末至唐洎宋而後神跡屢顯德無不  
 粹才無不周致身躋登上游彪炳史策至於近  
 時靈異尤著陰騭文覺世篇諸章句等之謨誥

其餘書語灑灑數千萬言總之不離於勸善誠  
惡者乾隆癸亥義陵劉氏彙輯帝君諸書而刻  
之內函外函哀然三十二卷至丙寅憩園俞氏  
復爲刻之而小有更定穎芳嘗展誦其帙旣卒  
業以愚臆推測各種旨義有世之事帝君所未  
言者約有數條帝君在周降神爲周大夫名張  
仲詩人稱其孝友是故帝君有孝經唐梓潼之

神有七十五化之篇道藏有九十七化之語是  
故帝君有化書援神契云文者精所聚昌者揚  
天紀輔拂竝居以成天象故曰文昌宮文耀鉤  
云文昌宮爲天府天府則與大羅天相往來是  
故帝君傳其大洞經紫陽寶籙及諸法咒又有  
本願救劫經宮之中第一珠曰上將元命苞云  
上將建威武典午晉時降神焉張軌主簿謝艾

文帝全書 卷序  
領軍擊敗石季龍之將麻秋後與姚萇爲友萇爲龍驤將軍入蜀至鳳山訪艾艾贈以鐵如意曰麾之可致兵請試之艾持三麾戈盾戎馬萬餘來集今名其處曰試兵壩艾死人爲立祠至隋唐靈異尤著加封至八字王廟卽梓潼神也若孫光憲北夢瑣言則云梓潼張亞子神乃五丁拔山之處或云雋州張生所養蛇因而立祠


靈甚著圖志則云張亞子越雋人因報母讐遂陷縣邑居九曲山有祠墓在梓潼謝與張皆帝君降神之人也皆有建威武之事第二珠曰次將元命苞云次將正左右帝君降生爲公卿大夫左右帝王是也第三珠曰貴相元命苞云貴相理文緒帝君以天文化成天下人間主文之所由來也第四珠曰司祿五珠曰司命六珠曰

文帝全書 卷之四  
三  
司中元命苞云司祿賞功進士司命主災咎司  
中主佐理編中丹桂籍徵信錄聖訓戒士子文  
延嗣經等由是而出如上種種雖降鑿訛語按  
之舊籍皆事迹暗符可徵可信人得是書而誦  
讀之奉其言以爲訓循其訓以淑行有不同歸  
於孔孟名教之域而爲君子人哉身值貴顯則  
文以祐文武以祐武內之補袞於廟堂外之建

勛於疆場身享榮尊名勒金石祿澤彌永延於  
後嗣若士庶人等以之治家而修孝弟勅身而  
絕淫欲好生以去殺自善以及人鄉黨月旦之  
評定稱之爲善良所謀而默遂之無不得所惡  
而陰消之無不遠也有功於世者如是劉氏俞  
氏之刻豈噉名而爲之哉今其板刻或毀或缺  
吾黨諸君子故有是重刊之舉是舉也王君雲

軒創意首捐關君柱生發凡起例增訂釐定其  
文若兼收博采專督剗劂之役而不厭勞苦者  
則吳門蔡君來鶴也唯三君子心乎帝君之心  
恪守寶訓思欲傳之溥且久俾天下後世高下  
智愚人等悉皆心乎帝君之心上可以對天星  
瞻帝像而無所愧恨成寰中一大善區然後愉  
快次之冀以帝君之訓種於識田之中清夜平

旦善氣來復猛省訓言提撕警覺或當紛紜擾  
攘之際中有所惕急流勇退以致持疑停待惡  
念稍弱而善念益滋則其有裨於人心甚大穎  
芳年逼衰疲而耳樂聞規則之言目欣見趨善  
之舉幸斯勝事之底於成也踴躍懼忤而僭弁  
其首云時乾隆甲午涂月中澣三日臨江老人  
吳穎芳頓首拜叙。



文帝全書贊并序

文帝全書五十卷。始纂於義陵劉氏。為三十二卷。槐正其舛。譌拾其遺漏。分其弓帙之繁重者。得卷如今數。槐乎。茲惟帝諄諄訓爾。示汝事而提汝耳者也。爾槐始有知。爾父母。廸爾躬於軌。閑爾視。爾聞。無俾爾回。適爾就外。傳爾師。敦汝昔聖賢之書。為爾講且畫。爾良友亦箴汝。匡汝。蘄爾臧罔咎。爾胡若罔聞。知爾聞知之。爾面則唯之。而弗克躬也。躬之。而弗克心也。爾謂度爾心。飾爾躬。爾面。爾父母師友。罔苛爾於私。罔以背厥言重爾辜。

槐乎。茲惟帝諄諄訓爾。示汝事而提汝耳者也。爾命司於帝。惟帝之神陟降上下。監視爾衷。如彼軒鑑。靡有髮遺。爾罔攸匿。爾既聞知帝之訓矣。爾或貌於從。爾不衷於帝之訓。帝實覲之。帝庸怒之。爾無或妄。微帝惠於爾。釋帝必申罪爾。以訖爾祿於天。不爾少貸。爾槐胡然。泄泄也。槐校是編。既定。吳門蔡君來鶴。爰釀錢授之梓。梓竣。槐拜手稽首作贊。用申自警之意。贊曰。於乎顯思。無曰帝之象高高在天。蓋有億萬千身。在爾後爾前。無曰帝之訓不可得聞。蓋有億萬千言。為爾告。

爾宣。帝之訓爾。亦孔之殷。爾何頑愚。以訓為瑱。視爾肅爾賓。爾話爾儀。亦靡卽於愆。視爾修爾文。爾稱爾則。亦克恪於先。伊爾哲矣。爾匪愚頑。胡昭胡冥。爾如二人。室扁而燭光。徹於隣。帝視秋毫。職維輿薪。厥或聆帝訓。是遵是循。帝既篤之。培於栽。因厥或違。帝訓。怙終罔悛。帝既殛之。以為爾殉。爾藐爾影之無知。爾寧不畏帝之神。爾尚三復於茲編。

乾隆三十九年甲午仲冬上澣日仁和關槐謹撰



凡例

一是書劉氏德馨堂舊本卷三十二。自卷一至卷二十四爲內函。卷二十五至卷三十二爲外函。玉局心懺躬行心懺。清靜法要。清靜法程。祿嗣秘訣。坤寧妙經。六冊。題曰羣真著述。不列全書之內。今增訂五十卷內外之分。一仍其舊。內函自一卷迄三十。外函自三十一卷迄五十。以羣真著述。固全書之支流。苗裔。不必別爲標目。併入外函。卷凡七。

一是書德馨堂纂刻後。憩園俞氏重梓於古州。又大興

朱氏石君校刊內函數種。爲文帝書鈔十四卷。其中間有是正劉本者。今從之。

一勸忠四章。得之四明萬近蓬先生福。增入內函爲一卷。又勸戒士子文一篇。帝君與忠經並示。附刊之。

一帝君教孝文。孝仙一烝論等篇。俞氏重刊本。列之孝經之首。予以此數篇固與經相發明。而實非經之弁言。且劉俞二本。于聖訓卷中。具登勸孝歌文。而此數篇獨採以冠經。似非一例。今釐正之。

一本願延嗣二經。刻本各有異同。今但校正訛字。經文

悉依劉本。

一帝君真傳五品。近日刊本。有附之救劫經後者。今錄存聖訓卷內。

一應驗經。劉云惜未抄存。俟他日補編。今據經懺彙函錄入爲一卷。

一世傳聖訓。真偽雜出。易涉譏祥。茲不具錄。錄其深切著明。表裏於經傳者。合劉本所採爲三卷。羣真訓文附於後。

一陰騭文句頌註證。丹桂籍註案三種。劉本間有舛訛。

今悉依善本勘定。

一閱鼎玉蕉窗十則註解。其原本所附引証各條。多與顏氏丹桂籍潘註陰騭文所採者無異。今悉刪之。以省複沓。而錄其註解。增入內函爲二卷。

一劉本戒士文徵信錄止一卷。今因卷帙繁重。分上下二卷。

一遏淫戒色等條。劉本散見於各訓中。今得邵氏志琳彙註慾海迴狂寶訓。頗爲詳備。增入內函爲一卷。

一大洞咒。各本皆參入大洞經。劉據江夏楊氏啟明定

本。另列一卷。今仍之。

一開心咒。劉本編入躬行心懺。今得張氏世榮註釋本。別爲一卷。

一文昌心懺。金氏萬全校刊於苕溪。其附梓真言各條。均玉局懺本所有。謹節之。合劉本心懺二種。並登外函。

一質神錄。近得之長洲彭允初先生。錄中所輯訓辭。敷暢濂洛關閩宗旨。示研幾之精。證歸極之合。實我學者常山寶符也。謹登外函爲二卷。

一聖眷誥。劉本附聖誥後為一卷。今分二卷。真人王熊陳費四誥。劉附聖眷誥後。今謹據梓潼真經文昌寶誥錄增輯羣真誥。別為一卷。四誥併入卷內。

一王氏椒郤集唐籤詩。分按帝君九十七化。劉本編存外函。今於卷末附錄藝文一門。詩亦併入。

一是本除所條之外。均依劉本刊刻。亥豕之訛。竊為訂正。偶有疑字。未可臆竄者。仍存以俟參考。

晉軒關槐謹識

文帝全書總目

仁和關 槐柱生增輯

內函卷一

本傳 考彙附

靈驗事蹟

內函卷二

化書上

內函卷三

化書下

內函卷四

忠經

內函卷五

孝經新註上

內函卷六

孝經新註下

內函卷七

大洞經示讀註釋上

內函卷八

大洞經示讀註釋中

內函卷九

大洞經示讀註釋下

內函卷十

本願經

內函卷十一

救劫經

內函卷十二

延嗣經

內函卷十三

應驗經

內函卷十四

聖訓上

內函卷十五

聖訓中

內函卷十六

聖訓下

內函卷十七

陰騭文句頌

內函卷十八

陰騭文註證一

內函卷十九

陰騭文註證二

內函卷二十

陰騭文註證三

內函卷二十一

陰騭文註證四

內函卷二十二

丹桂籍註案一

內函卷二十三

丹桂籍註案二

內函卷二十四

丹桂籍註案三

內函卷二十五

丹桂籍註案四

內函卷二十六

蕉窗十則註解上

內函卷二十七

蕉窗十則註解下

內函卷二十八

戒士文徵信錄上

內函卷二十九

戒士文徵信錄下

內函卷三十

愆海廻狂寶訓集說

外面卷三十一

大洞吉祥神咒

外面卷三十二

開心神咒註釋

外面卷三十三

大洞紫陽寶籙上

外面卷三十四

大洞紫陽寶籙中

外面卷三十五

大洞紫陽寶籙下

外面卷三十六

大洞治瘟寶籙上

外面卷三十七

大洞治瘟寶籙下

外面卷三十八

玉局心懺

外面卷三十九

躬行心懺



外面卷四十

文昌心懺

外面卷四十一

克治清靜法要

外面卷四十二

克治清靜法程

外面卷四十三

祿嗣祕訣

外面卷四十四

坤寧經箋註上

外面卷四十五

坤寧經箋註下

外面卷四十六

質神錄上

外面卷四十七

質神錄下

外面卷四十八

聖誥

外面卷四十九

聖眷誥

外面卷五十

羣真誥

附錄藝文

德馨堂原序

聖賢仙佛其教有三。而理未嘗不一。觀孔子稱西方有  
 聖人。而問禮於柱下。原未嘗存分別見也。徒見其粗而  
 遺其精。知其異而不知其同。又何以觀天人之會通。而  
 知鬼神之情狀乎。吾觀世間讀書士子。於仙與佛之學。  
 不無有從有違。於天與神之故。亦或有疑有信。獨文昌  
 帝君。則智愚賢不肖。莫不信而從之。與孔子等。蓋帝君  
 之為神。為天。為仙。與佛。一以儒為主。而其靈昭回。其光  
 赫奕。故童而奉之。白首而不變。然試問其從來。則一十

七世之久。九十七化之多。仍惘惘然也。雖平居登文昌之閣。如見其人。讀陰騭之文。欲宣其化。其無遺憾於本末之不詳。而簡編之散見耶。余少時從梅中軒師講伊洛之學。於二氏多不道。獨心悅誠服於帝君。猶憶康熙丁酉秋。試留鄂。從友人家得見帝君化書。其時即欲彙括其事爲一傳。使天下後世士子有所觀法。而益堅其信從。旋以南歸。未竟其志。忽忽二十餘年矣。戊申徵辟出山之後。儒書外兼讀二氏書。乃悔向者固執一家言之未盡是也。比來彙輯呂祖全書。付之開雕。工既竣。因

念仙教大宗呂祖是也。儒教正宗文帝是也。其實二帝君皆貫通三教人也。今呂祖之全書幸告成矣。其能無意於文帝之全書乎。而究以未多見其書爲憾。乃有二事可異者。一則大定金翁復陽數年前曾識之清平。搜存帝君各種書極多。當余矢願纂編之日。正伊疏募刊布之時。機緣湊合。一奇也。一則貴陽小阮清虛。今春家不戒於火。所有盡歸灰燼。獨老僕挈一篋出。而帝君諸書如化書孝經大洞經咒諸善本。巍然獨存。如有神助。又一奇也。學者多不信鬼神。若此二事。仙佛家所謂因

緣不彰明較著耶。爰取金翁及小阮家所藏者彙輯爲全書三十二卷。竝附桂宮羣真之著述而授之梓。因叙次帝君事實。作爲本傳冠之篇端。以慰二十年前之素志。蓋欲世之信帝君而從之者之盡得其從來也。至帝君以人而爲神。爲天。以儒而爲仙。爲佛。究之爲神爲天。而祇自全其人。爲仙爲佛。而得自成其儒。與孔子有異世而同揆者。全書序記中言之詳矣。茲不復云。乾隆癸亥長至前一日義陵劉體恕謹序。

常德文廟之前有筆架城。俯臨大河。文昌閣踞其上。一

郡勝境也。予父兄未仕之先。偕家弟滄亭輩。寓遊其間。先贈公每述先世以來。奉行文昌陰騭文。暨大王父督浙儲時。捐清俸贖兵時難民子女無數事。諄諄勸勉。予兄若弟。曾憶有詩二章。一云。峻宇冲霄起。天香繞四維。德容溫可卽。斗柄活能移。風水成文處。樓臺得月時。會心何必遠。雲度浩然詩。其意至深遠矣。予與滄亭時相與講伊洛之學。然心誌文帝陰騭之教。不敢忘。忽忽二十餘年。先贈公及家孟宦遊楚粵。滄亭捧檄黔南。予往來黔楚。爲諸侯賓客。回憶昔年贈公之訓。祖德家傳。未

文帝全書 卷一  
得。一。効。輒。耿。耿。不。樂。前。年。滄。亭。相。招。勳。訂。呂。祖。全。書。既。以。事。羈。不。果。今。歲。之。春。買。舟。南。上。得。從。事。文。帝。全。書。乃。知。二。十。年。前。文。昌。閣。上。已。種。前。因。矣。書。共。三。十。二。卷。本。傳。靈。驗。事。蹟。一。卷。化。書。三。卷。孝。經。二。卷。大。洞。經。三。卷。本。願。諸。經。三。卷。聖。訓。二。卷。陰。騭。文。句。頌。一。卷。註。證。四。卷。丹。桂。籍。四。卷。戒。士。文。徵。信。錄。一。卷。共。二。十。四。卷。爲。內。函。大。洞。咒。一。卷。大。洞。錄。三。卷。治。瘟。錄。二。卷。集。唐。籤。一。卷。聖。誥。一。卷。共。八。卷。爲。外。函。而。羣。真。著。述。六。冊。附。焉。於。是。文。帝。之。書。可。謂。全。矣。夫。文。帝。之。教。孔。子。之。教。也。其。赫。赫。明。明。

充塞兩間。流行千古者。徵之於詩書。祀之於學宮。男婦童叟。無不尊而信之。不獨文人學士也。何俟予贅。卽其書向之散見於書林。雜存於尺幅者。今皆叙次考証。合而爲一。不啻十三經之昭垂。覽者隨其淺深。自能得之。亦無待予之表章也。予獨感予家父子兄弟。前二十年。登文昌之閣。流連詠歎。矢志奉行陰騭之教。故予家出者處者。類皆不敢苟且菲薄。有愧於士大夫身。故秉鐸於楚。作宰於黔粵。皆循卓有聲。父老猶能言之。而予潦倒書城。兩鬢已絲。仍然故我。以視二十年前。負氣湖海。

文帝全書 卷一  
自謂功名可立致之概。已覺不侔。幸得從滄亭校訂全書。益堅心力。以不負先贈公之訓。今而後知之非艱。行之惟艱。敢不夙夜匪懈。以紹祖德。家傳於勿替。抑願世之同志之士。之皆凜之勉之。而毋負滄亭纂刻之盛意也。既又念滄亭數年前北上過里。登文昌閣賦七律三章。先贈公評云。向來爭起倡和者不一。雖有詞藻。看去似非本地風光。此詩命意有則。出語不矜。已見大體。而深情遠韻。又耐人涵泳。不置。若老拙五律二首。幸而未懸畫棟。不然。則承之羞矣。末語雖係先贈公謙德。然檢

滄亭朝天集閱之。果非謬贊。今者全書工竣。木葉蕭蕭。長江滾滾。予從古州署取道洪江。順流而下。假館筆架城頭。重登閣上。諷詠全書。或有心得。當亦賦詩見志。以步贈公後塵。而附家弟同調。帝君在天。其必有以鑒我耶。古鼎劉悟誠謹序。

古州司馬柯臣劉君刊呂祖全書告成。復纂文帝全書內外三十二卷。請余序之。余將搦管爲文。或曰。文昌斗魁六星也。星有言乎。余曰。天何言哉。星安得有言也。曰星無言。安有書。曰星之精降而爲人。升而爲神。則不啻

有言矣。曰星之精降而爲人。升而爲神。於何知之。曰於化書知之。曰化書可信乎。曰化書之言。疑者以爲荒唐。信者以爲實錄。使係好事者僞撰。則雷火早焚之矣。何爲流傳至今日也。且其書中言感應也。所謂作善降祥。作不善降殃。惟德動天。至誠感神。與尙書之旨有合。其言輪迴也。說者以爲近於佛老。不知大易之言陰陽九六。老變爲少。獨非輪迴乎。天地惟不二。故不息。不息故不測。一理瀾淪。二氣摩盪。蟲沙猿鶴。與化推遷。吾又烏乎測之。曰然則此書出於何人。曰帝君之自言也。曰帝

君何以言之。曰帝君於此筆言之。曰此可信乎。曰此之可信與否。仍決於其人之自信也。其人居心行事。不可以質神明。則神必不降。否則精靈妖妄附之。其人居心行事。在在可質神明。而又齋戒沐浴。問焉而以言。則雲車風馬。亦翩然至矣。此神之不得已也。曰其不得已奈何。曰後世人心不古。詐僞繁滋。聖賢之訓。旣視爲陳言。王者之法。又難繩及屋漏。於是天帝鑒觀。世尊悲憫。遣正神間出其奇。以顯化之。使知赫赫明明之不可掩。如此也。此陰騭下民意也。曰帝君降筆闡化。旣爲儒教主

矣。何爲佛經道籙。雜出而不倫乎。曰。二氏之教。本有參天地。亘古今。不可磨滅之處。世儒未窺其蘊。故厚相詆誣耳。帝君旣聖矣。神矣。必且往來于珠林玉局之間。面相質訂。而知其不可易者。又何強分門戶于鴻鈞大化。氤氲理氣之中乎。曰。如此。則何以專主儒教也。曰。詩云。侯誰在矣。張仲孝友。孔子曰。惟孝友于兄弟。施于有政。儒者之道。孝弟而已矣。况帝君孝經。與曾子十八章相爲表裏。明文恪公序曰。文昌先天之孔子。孔子後天之文昌。余謂文昌孔子。不必分先後天也。以人道設教。

者孔子也。以神道設教者文昌也。以人道設教。故木鐸振于春秋。大經大法。昭如日星。以神道設教。故福極昭于萬世。司富貴之權。彰善惡之報。修之吉。悖之凶。天下無智愚賢不肖。莫不震動奔走。鼓舞而不倦。雖謂帝君先孔子而不違。後孔子而奉若。亦可也。曰。帝君之開化于古今者多矣。此集其全矣乎。曰。是集也。括儒釋道之全。冒天地人之道。以言乎遠。則不禦。以言乎邇。則靜而正。以言乎天地之間。則備矣。何爲而不全也。吾願讀是書者。念吾人旣幸生爲士大夫身。常如帝君之靈。陟降



左右修身積行。無自墮落焉。則幾矣。武與陳惠榮  
攬千年之公案。以善及人。出一世之婆心。議道自己。闡  
不傳之秘。皆爲庸德庸言。懲非聖之書。悉本至情至性。  
如我武陵劉公。才雄七子。德儼三君。師溫公之誠。自不  
妄語。章晦庵之學。人無間言。樹赤幟於屏山。共仰瀾清  
玉潤。揚青帆於白水。羣推鶴白霞朱。謂文昌帝君者。寧  
惟姓氏連天。實乃文章司命。鄙輪轅之飾。終無羨於虛  
車。溯筌蹄之原。務求敦乎實履。孝弟篤百行之本。純粹  
以精。利濟殫萬物之靈。合同而化。善惡悉由人積。積以

取盈。禍福無不自求。求則必得。牯童牛而獲吉。念念介  
在雞鳴。躡羸豕而見凶。事事防其馬逸。盪河海於胸內。  
長潛筆下蛟龍。固條鏃於手中。不放雲邊鷹隼。和風甘  
雨。率繼長以增高。烈日嚴霜。每摧枯而拉朽。戒衆生毋  
入魔障。共鑒前車。期諸子爭闢賢關。免沉左道。廣千百  
億牟尼之化。現一十七宰官之身。稔仙訣而罔襲虛玄。  
朗禪機而耻談空色。非競赤文綠字。須交彩鳳啣來。特  
懸慧日法雲。不被野狐叅破。歛青牛白馬之籍。俱附麟  
虹。收弱水恒河之波。同歸洙泗。人間天上。莫教叅差些

文帝全書 卷一 九  
兒古往今來。都有現成樣子。其他蝌文鳥篆。益徵龍德。鴻詞盡叅天兩地之能。窮四生六道之變。葆精神氣於上藥。直欲披沙揀金。超戒定慧於大乘。誰謂磨磚作鏡。白魚傳去。寧比採薪之歌。青鸞誦來。如聆散花之曲。象渡馬渡。兔渡。覘淺深於水鄉。羊車鹿車牛車。導方便於火宅。茅君桂父。未足解其精深。貝葉曇花。豈能方其奧矣。是皆萃半世之力。本本元元。方足貞全部之觀。明明奕奕。高正宗於熊耳。常卑二卻。二何析至理於牛毛。莫贊一游一夏。擴廣長珊瑚之舌。贈人以言。籍吉祥翡翠。

之翎。從吾所好。兩塵不隔。上清看十賚之文。九障猶纏。下士珍百朋之錫。君寄情於胞與。倚樹三眠。我矢志於因緣。拈花一笑。浣川竹柳子徐立御  
憇園重刊本序

儒教有孔子爲之宗師矣。何爲又有文帝。王公守溪曰。文昌先天之孔子。孔子後天之文昌。陳公密山曰。以人道設教者孔子。以神道設教者文昌。皆言其一而二。二而一也。惟是孔子之書。如四書五經之類全矣。而文帝之書。獨不多見。讀者有闕畧不全之憾。武陵劉君滄亭。

獲諸善本于金復陽劉清虛。蓋數十年所搜羅者。加以校訂。付之剞劂。于是文帝之書乃全。千秋之奇。呈于一旦。不可謂非大事。因緣也。乃者輯刊之後。計及流通。不鄙固陋。以屬勛勩。既心諾之。又慮一副梨棗。不免顧此失彼。爰矢志重鐫。爲廣布地。而文帝蚤有以鑒我也。刻成謹述始末。以誌于首。竊謂有四書五經。而孔子之書全。孔子之書全。而人道備。人道備。而後天之太極明知。儒教與釋道未始不分。有內外三十二卷。而文帝之書全。文帝之書全。而神道備。神道備。而先天之太極明知。

儒教與釋道未始不合。說者謂三十二卷中。與四書五經之文。若不無少遜者。不知古之所謂文。不在語言文字。而在躬行。故堯舜煥乎之文章。在孝弟。帝君爛然之文昌。在孝友。先後有同揆也。自後世言學。先知後行。而語言文字之俗學。乃出。而分門角立。與二氏爭。微特非文帝之旨。抑亦非孔子之意也。夫乾隆丙寅。新秋。前兩廣鹽運使司分司潮惠汀贛鹽務運同俞文耀。謹序于憇園之自香亭。

夫人傾蓋相逢。或曰如見異人。讀其著作。或曰如得異

書故曰樂莫樂兮新相知。又曰奇文共欣賞。言出乎意外也。予于古州寓公俞君鷺峯。得予纂刻文帝學佑二帝君之全書而有異焉。蓋不曰如見異書。而曰如獲故物。先卽矢願刷印。旋謀重鐫。不待再計。決旣而二帝君鸞示。所以契悅之者獨至。亦不曰如見異人。而曰如遇故友。若磁鐵之引針芥之投。不知鷺峯生平何修而得此也。予以爲此有宿根在。而一言蔽之曰。因緣。昔者漢武見主父諸人曰。公等皆安在。何相見之晚也。今鷺峯年已七十矣。藉非因緣。必待此地此時而後。

合何以如遇故友如獲故物者相見固若斯之晚乎。雖然不必以晚爲憾也。夫道患乎不聞。尤患乎不行。苟聞之而不行。則雖終日見異人異書如流水行雲之相值。於我何與。若夫宿根本乎生初。積行由于平日。因緣會合宜有相須而相成。若決江河莫之能禦者。如鷺峯於二帝君全書之重付剞劂。廣爲流布。而于文帝孝經一書又另刊單行焉。孳孳矻矻若不能已。其故鷺峯亦不自知也。豈所謂三千八百值將滿之期。因而時至事起耶。而又何必病其晚也。吾願世之讀鷺峯另刊之孝經。

者。或如遇故友而獲故物。或如見異人而得異書。皆可自証而自知之也。已古州同守劉樵。劉無我先生原名樵。體恕後更名樵。朱氏書鈔序。

士人束髮讀書。則知尊崇文帝。而或不能覽全書。詳本末。是數典而忘其祖也。珪自幼時。先君子授以陰陽文。竊敬信之。然早竊科名。叨祿仕。每一自反。實用愧怍。蓋上帝君親之錫我厚矣。而所以致之。而欲報于罔極者。茫然可畏也。又嘗以未得讀帝君全書為憾。歲丁亥。司臬楚北。友人為予借得文帝全書三十二卷。蓋淑浦劉

體恕先生所輯也。書分內外函。竟卷讀之。如遊包山。觀禹書矣。第以外函多篆籀。不及盡抄。乃抄內函各種為十四卷。刻之以廣其傳。竊考帝君降自張宿。歸神紫垣。歷十七世。九十七化。無不本忠孝以善誘天下萬世。使人自求多福。而消沴氣于無形。蓋不忍之心。天地之心也。故功德配乎天。而主宰是珪。願讀是書者。能體文帝覺世立教之心。力行不倦。庶幾不愧為人矣。大興朱珪敬序。

德馨堂原本小序

司馬遷作史記紀一人之本末。帝王則曰本紀。諸侯則曰世家。大夫士則曰列傳。例也。獨於孔子不曰列傳而曰世家。雖特致其尊崇之意。然徒自紊其例。而不知孔子固不以是爲重輕也。是故吾於呂祖仍其本傳之名。而文帝亦然。呂祖原有傳。稍加增刪。文帝舊無傳。今爲編輯。是又同而異也。雖然。古今人固有合三世爲一傳者乎。以文帝言之。則尙有不止於三世者。特就其詳者叙次之。其他見於化書。不可得而盡載也。求文帝之本

末者。於此可得其大槩矣。至各考各彙以及靈驗各條。皆可以補傳之不及。竝附之。  
文昌化書三卷。原序及刊行各序。言之詳矣。化有詩。詩後有記。迹其始末。亦已大備。然世數尙有不可得而知者。又未可以私意附會也。嘗考文帝在宿爲張。托生張氏。三代以來無異。其在詩曰。張仲孝友。而一十七世。九十七化。無不以孝友爲主。與孔子行在孝經同。故魯論學而一章之後。卽列其爲人也。孝弟學者之所重可知矣。讀化書者。可不深思而得其旨哉。

孔子既有孝經矣。文帝何爲又有孝經。蓋孔子之孝經。爲天子諸侯大夫士庶人。通上與下言之。其道大而該。文帝之孝經。爲天下士農工商四民。自少至老言之。其道切而備。二經殆闕一不可者也。有明邱文莊。王文恪。皆篤信而謹奉之。自時厥後。傳者寥寥。且以中有偈咒。爲怪。卽有註者。多失之疎畧。不知文帝當日。至性發爲至文。未可以淺測也。湯君新註。於此經有廓清闡顯之力。俾讀者孝弟之心。油然而生。不特有功於文帝孝經。卽謂竝有助於孔子孝經亦可。

大洞經刻本各異。此本則文帝降傳於鱣壇者。先後繁簡較他本獨善。又得馬魁神註釋。明白親切。使讀者得所窺尋。洵大事因緣也。自古道書首推陰符三百。道德五千。而此經授自元始。應在二經之前。其傳授甚奇。其文字甚奧。雖肆力於道者。且茫然不知所謂。今得示讀一編。而茫然者了然。與陰符道德文異義同。參同悟真而下。皆其支派。萬卷仙經。要以此爲崑崙星宿焉。感金翁之心。假董君之手。天人之際深矣。後之學者。豈不幸夫。

孝經開經偈有云。振嗣恩素重。救劫孝登先。大洞完本願。應驗子心堅。則本願救劫延嗣經。雖分爲三。其實可合爲一。今按三經所言。皆以孝弟忠信爲訓。以奸盜詐僞爲戒。世人自好者。宜若可信。其無而知勉。而不知充類至義之盡。則終日所言所行。其於孝弟忠信。固未能全。而奸盜詐僞。或未嘗絕。特習焉而不察耳。先民有言。轉經勿爲經轉。又云。知得不如行得。如三經大旨。以孝爲先。以誠爲本。學者一以貫之。則庶乎行得。不但知得轉經。而非經轉也。



自文帝飛鸞開化。徧於海隅。而聖謨洋洋天壤間矣。然陰騭文而外。皆零星見於尺幅。未有彙爲一書者。予甚憾焉。此上下二卷中。有已刻布者若干篇。未刻布者若干篇。俱纂輯而付之剞劂。向之雜出於壁間者。今得敬列於案頭。斯亦學者之一快。吾因之有感也。陰騭文尙矣。其餘皆一時之誨。爲憂深而慮遠。故言切而說詳。雖曲暢以旁通。實同歸而一致。苟有志者。精察而力行之。有一言可以終身。萬事該於一理者。進而得意以忘言。知言之不盡意。則文帝固有無言之教也。是所望於讀

聖訓者

易曰。積善之家。必有餘慶。書曰。作善降之百祥。詩曰。永言配命。自求多福。天人相與之際。從古聖賢。蓋兢兢焉。感應篇表裡六經者也。陰騭文表裡感應篇者也。世人皆曰。若是是有所爲而爲善矣。獨不思無欲而好仁。天下一人而已。中心安仁者。不可多得。則以利仁望天下。不亦可乎。感應篇經文帝序行。其後註釋流布甚多。獨陰騭文疏解獨少。今得句頌一卷。註證四卷。丹桂籍四卷。雖詳畧不同。然發明甚切。讀之使人興起。與感應篇

同。卽證之易書詩無不同。故合刊之。至戒士子文徵信錄一卷。引證不外前二書所載。然文帝他訓尤多。使皆如此用心。則聖化益廣。故竝輯焉。

文帝儒教也。而亦有道家符咒之傳。何與。據化書。則元始所傳。與大洞經同授者也。或曰。未必卽當日之傳。文帝用之。甚著靈異。而後人固不能爾矣。余曰。此本與先之所傳無異也。而靈異有差。則存乎其人耳。文帝之孝。極其至。誠極其至。故符咒與經靈異無加。後人不能及。文帝之誠孝。則其靈異固不能及之矣。又何怪焉。不然。

周禮周公之書。何爲王莽一用之於漢而敗。安石再用之於宋而敗也。受大洞咒錄者。當作如是觀。兩懺。所以使人悔過也。兩法。所以使人遷善也。祕訣。推文帝祿嗣之籙而廣之。坤寧經。則爲天下女人說法者也。此六冊者。或已刻。或未刻。或舊本。或新傳。要皆文昌宮羣真之著述。何加於文帝之書而附之。然何異於文帝之書而不附之。另編於後。

姓氏

德馨堂原本叅訂姓氏

金本存 復陽

劉廣恕 惺源

劉悟誠 又元

德馨堂原本叅閱姓氏

劉蔭誠 清惠

劉靖誠 清要

劉允誠 清虛

憩園重刊本捐梓姓氏

俞文曜 樸存

桂香集監捐梓姓氏

蔡來鶴 松友

桂香集勦梓姓氏

王世陞 雲軒

姚文奎 聖臣

魏士正 秀章

王綱 宏緒

邵日章 闇然

趙樹元 石堂

邵寶勤 成軒

胡廷敬 陛颺

陳兆東 耀瞻  
關 涵 東臯

文帝全書內函卷一

目錄

帝君像 有贊

本傳

聖誕考

聖位考

一十七世考

詔彙

讚彙

靈驗事蹟 原六十六條補二十一條共八十七條

孫樵 僖宗 蘓仲 雷有終 張昌

安丙 苟洙 王鏊 英宗 彭澤

顧夢鯉 顧丁璪 王道新 龔璋 徐氏

龔賢 李氏 郭氏 華福 朱瓚

丁香樹 王仲 華時芳 謝紹銓 錢桂徵

陳正文 錢志遠 范啟運 金維陞 馮標

夏芝生 金伯益 姚鼎 沈鹿鳴 丁同義

金楚谷 柴士侃 劉君庵 俞允 許丙坤

辛姓 顧浣心 陶延先 陸以恬 彭定求

周士廉 江暄 倪象鴻 張子英 廖柯烝

王載 胡旭彩 江弘基 張國輔 金以祥

戴紫霜 金達生 顏章敬 顏秉衡 胡氏

張氏 鄭香孩 陸琪 楊士驥 楊大神

伏魔庵

補遺 二十一條

徐奭 王用予 周吉 邱濬 程一德

李登 俞宣陞 張生 尤侗 尤侗

尤侗 三湯 聘 羅 鞏 沈 姓 金 見 星

趙師普 楊啟元 金子白 楊 某 金 某

王雲翔

文昌帝君像



仁和關槐恭摹

讚

孝友行篤。陰騭文垂。人倫之至。百世之師。儒釋道主。貴祿嗣司。明明赫赫。心嚮往之。

又

星光燦爛。桂香氤氳。指揮如意。陰騭下民。至誠無息。能化乃神。綱維大道。佑啟斯文。

文帝全書內函卷一

古鼎劉廣恕

義陵劉體恕無我彙輯 古渝金本存全訂

古鼎劉悟誠

仁和關 槐柱生校定

文昌帝君本傳

文昌帝君。姓張。諱善勳。周初吳會間人也。其始祖曰黃帝之子揮。始造弦張弓。世掌其職。子孫因以張為氏。顯於吳。有張老者。年五十許。祈子。其夜天文燦爛。張宿昭



然適符其姓。感而降焉。張母夢吞珠。遂娠。踰年帝君生。時周武王之乙巳年仲春也。生有異表。幼不好弄。吳距周京遠。剪髮文身。文物無稱。帝君乃尋冠履。自習禮文。有耆舊來謁隱者。口誦唐虞大訓數篇。曰中國使所傳者。帝君聞而好之。記授無遺。邑人願學者。咸以爲師。然鄉居故事畝。澮鋤得金像。冠服儼然。約重鈞餘。未知何神。或曰元始天尊也。昔禹治水。冶金爲神物。以鎮方嶽。豈此像之類乎。帝君家素貧。亦未嘗因以爲利。一日海水大至。遠近奔駭。非人力可支。帝君以金像乘高。投狂

瀾中。曰吾爲衆捨之。俄風止潮回。一境獲免。邑人以是爲德也。皆以粟帛謝。不能拒。家道由是豐裕。異時蹤跡所投像。仍得之沙磧中。築宮安奉。邦人敬事之。張母少勤苦。六旬而疽發背。醫覲罔效。帝君計窮。旣爲吮咀。乃病久食少。復成羸瘵。醫曰此痼疾。以人補人。庶可平復。帝君剔股供之。空中語曰。上帝以汝純孝。延汝母壽。二紀。冀日勿藥果瘳。帝君逾冠。未受室。母每以未見孫息爲念。一夕夢至一林麓。塚傍有門。坐靚妝女子。其中顧而語曰。君非張善勳乎。妾乃鄰家仲氏女。曩者叔父以

君好學尚禮。古君子也。議以妾歸君。吾父以君貌寢難  
之後。許一富家子。清議無聞。然妾以君故。遂得疾死。今  
三年矣。君曷爲我圖之。帝君悸而寤。他日與友儀堅成  
縱步尋幽。至一所。與夢中境相似。方告之前事。共相驚  
歎。而塚中人呼郎而出。卽向時夢中所見者也。儀是其  
舅家。走告仲之父母。迎歸。卒爲婚。吳俗女嫁而未孕者。  
與臨神潭。索石或瓦。以判男女。張母命仲氏求之。得石  
隱隱有淵字文。歸而有妊。生男。遂名曰淵石。方齟齬。仲  
氏語帝君曰。此兒真似君。妾與君世緣盡矣。遂歿。自是

不復娶。歲在作噩。帝君年三十六矣。時疫毒流行。父年  
八十五。母年七十三。同日逝。帝君親持畚鍤營葬。廬墓  
三年。有二白雉棲樹。祭則飛鳴而下。終制不見。葬五年。  
墓西水暴發。欲改卜無及。乃齋戒守墳。日夜誦大洞經。  
按帝君鄂城外棲真觀所演大洞經序云。得之夢中。神人所授。竝取向所奉金像嚴事  
之。墓前溪谷。變成堅塢。皆孝感之所致也。每憾瘧瘴之  
酷。力不能報。誦經敬像益勤。冀獲陰佑。以治瘧鬼。又三  
年。金像夢語曰。大洞仙經。爾孰記矣。大洞法籙。爾未見  
也。今當授汝。非惟契汝初心。亦可佐天行治。袖出二書。

授之。既覺書在枕前。一曰大洞籙。一曰大洞法。因聞籙讀至天騶甲卒一萬人度之句。忽風雷晝暝。金甲朱綬者無數。列前請命。帝君命以治疫鬼。一持紅旗者領百餘人去。頃執五鬼使至。帝君怒叱之。將滅其形。五使有辭曰。弟子元伯等。歲運所生。歲氣所成。所遊有方。所病有人。陰譴重者受其災。天命絕者至於死。非弟子等敢私。若真官賜以寬貸。此後願聽約束。見真官符籙所在。卽不敢行災。因授以教勅去。閭里病瘟者。與之符法。全活極多。然有內因外因之感。皆岐伯神農氏之學。非道

家法籙事也。於是講究脈理。翫味藥性。討論五行之勝復。習熟五鍼之迎隨。勤苦六年。始造其妙。或聞於國君。方以砭劑爲事。未幾又爲京周所知。驛召至都。歷試之。以爲醫師。掌萬民之疾苦。隸於天官。蓋成王之世也。其屬有瘍醫公孫智叔。賦性慈慧。而記問詳博。成王鬚有疽生。一夕潰決。厥勢危殆。智叔以藥敷之。應手而瘥。至是舉兼己職。王以所薦得人。遷司諫。三辭而後受。當成王之幼也。聽政周公及長。帝君恐左右間言。每以君臣終始禍福。幾微爲戒。而諫草屢焚。人無見者。故周公東

征雖有四國流言。召公不悅之隙。終能保全。帝君有力焉。帝君在京周十年。倦翼思還。乞骸之疏數上。始從其請。既歸。里人迎候。自近郊舍車而徒。鄉曲榮之。張有數族貧窶。帝君興起義莊。以淵石主之。爲之教養婚嫁。醫藥周給。他族聞風。翕然相效。而吳俗漸美矣。亡何道逢一人。行且歌曰。朝陽之暎。觸石生雲。初焉髣髴。已而繽紛。隨風而出。蕩漾無垠。俄變化以歸盡。杳不知其所存。伊仕者之利祿。忘其勞而駿奔。忽暮景之見迫。畏大限焉逡巡。將投足於幽趨。爲異類兮芸芸。帝君聞之。下車

求教。行歌子仰天而歎。指以心印。授以正訣。曰。此西方聖人古皇先王歸寂法也。能念而習之。可度生死。死而不亡。證無量壽。既受教。百慮頓灰。是秋會集親友。畱頌而逝。頌曰。秋風瑟瑟。秋月白白。得吾之真。知身是客。有二青童自天而下。宣旨以帝君爲君山主宰兼洞庭水治。其在宣王時爲張仲。王父平子。父無忌。母黃氏。無忌事厲王爲保氏。諫王除監謗之令。王怒。流於番禺而死。黃氏泣祝於洞庭之君山。生帝君。因名忠嗣。仲其字也。宣王立。詣京登肺石自明。詔追復其父官。諡曰獻。仍以

仲爲保氏。有兄允思。早世無後。帝君以次子懋陽繼其後。王母趙氏年八十終。王父以哀廢食。尋不起。帝君以孫承子服。哀毀盡禮。中外以孝友稱。字而不名。詩所謂張仲孝友者也。與尹吉甫同朝。吉甫出征。左右讒之。爲賦沔水之什。王聽之。得保其終。無忌之得罪也。實以南風成之譖。其子溫叔有才而賢。保氏闕人。帝君舉仇。以溫叔代。同官師氏韋仲將死無子。帝君嫁其三女。二幼者納爲己子。然明懋陽之婦黃氏壽百歲矣。而視聽不衰。平生持內觀經有所得。一日呼帝君竝其婦孟氏。語

以超悟之理而逝。後再世得道。爲妙惠真人。云。王奪帝君情起復。時吉甫召公南仲方叔皆故。惟帝君爲老臣。王初以宮涅爲太子。諫不可及。幽王嗣。積怒。因致仕歸。與鄉人燕飲爲樂。王卒賜酒。帝君飲之。死神遊西蜀。經雪山。畱居。上帝命爲雪山大仙。又命爲蜀北門山王。所謂北郭張仲子者也。神遊崆峒。遇太上老子。授以大丹。曰。大者與道合真。丹者與心爲一。爾後五通具足。非汝夙昔之比。又曰。吾今入西域行化。三百年後。西方之教當來中國。汝宜信之。又曰。爾既有功於蜀。宜永享蜀祀。

以慰斯民。是秦并蜀之時也。其爲雪山大仙也。適吉甫長子伯奇。爲道士裝。詣朝求見。朝臣皆不識。王命遣人至瀘江。召吉甫親故察之。帝君出山赴召。自稱雪老。對王以伯奇已死事。召道士示之。則果伯奇也。自言遇尹真師杜道長。賜丹得生。於是王以伯奇爲司馬。詳載別錄。其在晉武帝時爲張亞。時太康八年丁未二月三日。生於兩越之間。里老張家。祥光罩戶。黃雲迷野。里人咸謂張公曰。君今六十而得貴嗣。童稚時不好嬉戲。每慕山澤。語言若有隱顯。及長。淹貫羣書。避衆獨遊樂。身常

有光。見諸民祈禱。則嗤之。長嘯曰。土木而能衣人之衣。食人之食。享之而有應。謗之而有禍。我爲人而焉無靈乎。自後夜夢。或爲龍。或爲王者天符。或爲水府曹。自怪而不之信也。後三農憊憊同旱。舞雩祝神無驗。因思夢治。水府事。夜往水際。以夢中官銜牒河伯。忽爾陰雲四合。風飛雷震。一吏稽首曰。運判徙居。帝君曰。余張氏子名亞。字需美。化書作字霧夫非運判也。吏曰。奉帝命促子。問家人如何。曰。先至治所矣。遂揖上一白羸而起。俛首里閭。在風雨聲中。頓失鄉邑。到一山。連劍嶺而撐參宮。若鳳凰

之偃。下有古湫。吏引入巨穴。門有數石筍。吏曰。民之禱  
雨。祝此石。卽應。名雷柱。方褰衣入穴。吏曰。君憶周室有  
人七十三化。陰德傳家而迄今否。帝君大悟。吏曰。君在  
天譜。得神仙之品。於人世鮮有知之者。晉有中興之兆。  
君可尋方顯化。後元帝南渡。綏撫江左。帝君作儒士。稱  
謝艾。跨白驢。往河西。應孝廉。謁張軌。以爲主簿。張重華  
嗣位。麻秋寇涼州。帝君以步騎三萬人。敗之。秋匹馬宵  
遁。繼往關中。與姚萇爲友。約萇曰。苟富貴無相忘。後萇  
以龍驤將軍使蜀。至鳳山來訪。假以鐵如意。前召詣玉

京時。帝賜所執杖曰如意者是也。一麾而旌旗蔽天。戎  
馬萬餘。列之平坡。卽今之試兵壩也。後萇卽帝位。國號  
秦。皆吏所言尋方顯化之事。吏言訖而去。至穴中。則有  
王者宮室。服用玉階七曲。丹桂千株。見家人具在。遂居  
其間。士民於閩中梓潼縣立廟祭祀。稱梓潼君。廟在九  
曲之北。有降筆亭。中以金索懸一五色飛鸞。鸞口銜筆。  
用金花箋數百幅。畱筆下。亭門府封鎖甚嚴。降筆訖。有  
鐘自鳴。廟吏聞於府。啟鑰取書。以觀報應。其降筆多勸  
人以忠孝。有陰薦文及訓語甚多。帝君每出。駕白羸。隨

二童曰天聾地啞。帝君爲文章司命。貴賤所係。故用聾啞於側。使其知者不能言。言者不能知。天機弗洩也。凡禳災祛疹。禱雨祈嗣。有感必通。世有虔奉之者。常降乩直書。或現夢隱示。又能鎮伏妖魔。疫癘神鬼。聞羸鳴則遠遁。爲其習啖邪物也。帝君嘗曰。憶往昔劫中。廣行陰騭。多諸方便。以忠孝爲本。利人濟物爲心。三千功滿。證果天仙。後因夙孽。自蜀歸依如來。洗我夙垢。拔除嗔憾。一時遂悟本心。脫離苦趣。如來授記我爲證果定慧王菩薩。自爾之後。常隨如來。發明本妙明心。圓明覺性。直

證圓覺。授記我爲梵鎮如來。故證安樂不動地。遊戲三昧。定慧王菩薩。釋迦梵鎮如來。位曾特加金闕。昊天太師。糾察三界禍福事。後又以帝君自龍漢初劫。已三千餘化。迄周武王之乙巳歲。降生於清河氏。九十餘世之盡孝盡忠。百千萬化之積功累行。當次天帝之位。宋紹熙六年正月十五日。進封帝號南極長生真王。九天開化主宰。不驕樂育天帝。更生永命天尊。所居之宮。一曰紫微垣文昌宮。一曰玉霄絳宮。乃慈憫自誓。以孔孟伊周之學。道德仁義之教。綜以仙釋之靈通。顯以桂籍之



功用設爲四科。立爲九等。表吉凶。悔吝之機。彰善惡。禍福之報。或兆於夢。或著於籤。分身應化。救劫保生。嗣是之後。文武醫卜。士農工賈。凡一民一物之枯榮貴賤。皆隸帝君之造化焉。歷代崇祀之典。唐宋屢封至英顯王。元加號爲帝君。天下學校。有祠祀者。明景泰中。因京師舊廟闢而新之。歲以二月三日。誕辰遣祭。所著述。陰騭文之外。今輯化書。孝經。大洞本願。救劫延嗣諸經。竝聖訓。陰騭文句頌。註證。註案。戒士文徵信錄。爲內函。其大洞吉祥咒。紫陽籙。治瘟籙。集唐籤等書。爲外函。蓋帝君

主乎儒。而符籙諸科。乃教外之傳爾。合爲全書。

無我子敬贊曰。或有闢輪迴之說者。曰。世謂生死輪迴。豈天地之氣。僅有此數。流轉於古今乎。予應之曰。固也。今謂必不輪迴。又豈天地之氣。僅不計其數。而不能流轉於古今乎。或無以答。蓋尋常之氣。生則聚。死則散。若其正而大者。自必長留天地間。而不朽也。又何疑乎。帝君之一十七世爲士大夫身哉。常考帝君自爲士大夫時。誦法唐虞大訓以來。得丹於柱下。授記於鷲峯。由儒入道。皈依釋。一身備三教之全。而以儒爲主。與孔子同故。

曰文昌先天之孔子。孔子後天之文昌。不必以孔子不言輪迴。與帝君所述一十七世者異。而存分別見也。故敬叙次其歷劫本末之著者為傳。抑予因之有感焉。夫士大夫身不易得也。皆前世修來者也。以之作孽。則孽無窮。以之造福。則福亦無窮。即帝君證果。亦從士大夫身起矣。後之士大夫。顧可不以帝君為法。而思所以保之。而任其墮落也哉。本傳為劉無我先生撰。並所輯全書各種彙列傳末。今增訂五十卷。

詳前  
總目

### 聖誕考

帝君二月初三日誕。聖祖母十月初五日誕。聖父二月十一日誕。聖母七月初七日誕。聖后五月初三日誕。聖長子三月初三日誕。聖長婦八月初一日誕。聖次子正月初一日誕。聖次婦二月十八日誕。懿孝公主四月十六日誕。聖長孫七月初三日誕。聖長孫婦正月二十八日誕。聖次孫十月十三日誕。聖次孫婦七月二十三日誕。

十一日	十二日	十三日	十四日	十五日	十六日	十七日	十八日	十九日	二十日	二十一日	二十二日	二十三日	二十四日	二十五日	二十六日	二十七日	二十八日	二十九年	三十年
-----	-----	-----	-----	-----	-----	-----	-----	-----	-----	------	------	------	------	------	------	------	------	------	-----

聖位考

帝君聖位。證金闕太師。昊天檢校。洞照通真先生。九天  
 開化主宰。靈應大天帝。上仙元皇君。聖后。證恭順淑應  
 德惠昭懿皇后。冲和洞妙元君。聖祖母。證初劫賦形長  
 生壽母元君。聖父。證顯應慈祐仁裕令德王。證果太玄  
 初帝。儲真衍慶天尊。聖母。證昭德積慶懿恭惠妃。嗣慶  
 儲祥元君。聖長子。證至仁至孝至聖至慈。嗣德履孝王。  
 文昌衍慶真君。聖長婦。證助善應懿循孝夫人。文昌靜  
 應元君。聖次子。證至仁至孝至聖至慈。昌德立孝王。文

昌司祿真君。聖次婦。證助順惠懿克孝夫人。文昌嗣慶元君。聖女。證淑貞妙靜懿孝公主。文昌萬壽元君。聖孫。證紹應昭靈至孝侯。文昌積慶真人。聖孫婦。證淑應昭孝夫人。文昌積慶元君。聖次孫。證承應宣靈順孝侯。文昌襲慶真人。聖次孫婦。證惠應體孝夫人。文昌襲慶元君。

### 一十七世考

陰騭文云。吾一十七世爲士大夫身。今按帝君生於周初。爲張善勳。子淵石。初爲醫師。遷司諫。又一世生周宣王時。爲張忠嗣。字仲祖。平子。祖母趙氏。父無忌。母黃氏。長子然明。次子懋陽。襲父職。爲保氏。陞大夫。又一世生於漢初。爲趙王如意。又一世生於章帝元和間。爲張勳。禹之子也。爲清河令。又一世生於順帝永和間。爲張孝仲。又一世生於河朔。爲鄧艾。從事伐蜀時。爲行軍司馬。又一世晉武帝時。生於兩越之間。爲張亞。又一世爲王

文帝全書 卷一  
通。又一世生於宋紹聖。爲張浚。見於化書者凡九世。其餘皆不可考。

詔彙

晉司諫詔曰。咨爾善勲。直情無隱。朕念良醫活人。太醫活國。今置爾言路。以旌汝賢。汝其以救疾之心。救正吾失。嗚呼。惟良藥苦口。利於病。忠言逆耳。利於行。汝往欽哉。毋易所守。賜如意杖。詔曰。咨爾孝仲。萬靈之雄。忠孝全節。世資爾功。賚爾斯杖。無所不通。特加金闕太師。詔曰。文昌者。教化之本源。實傳列聖之業。儒士者。大德之淵藪。宜推一德之忠。播告諸天。亶孚有衆。惟文昌司祿主者。職貢舉真君。衛民少傅。靈應帝君張某。德被萬物。

文帝全書 卷一  
威形四方。粵自有生。顯從浩劫。順考古道。鑒觀人文。照臨竝日月之明。發生贊乾坤之化。是以教耕稼而民人育。每裁制而自優。修禮樂而政事康。果猷爲之不謬。干戈載戢。陰陽常和。水土旣平。休祥時格。託之庶務。試之諸艱。皆濟濟以可觀。每多多而益辦。昔自水漕。今蒞台衡。尙持拔苦之心。誓拯倒懸之念。厥有成績。巍乎難名。察乎九十餘化之行。藏命編諸冊。著以萬二千端之行節。豈曰空文。顛則持而危。則扶。惡以懲而善。以勸。下民允賴。惟乃之休。况復恢龍漢之圖書。闡鸞臺之典。則欲

分身而顯化。率諸聖以混融。萬梵開張。三界均利。宜加峻位。俯叶輿情。名躋南極之尊。禮絕星聯之上。於戲躋三階而下。太乙允彰。應物之符。歛五福而錫庶民。式賴師言之佐。誰其能者。汝往欽哉。可特加金闕昊天太師。糾察三界禍福事。

讚彙

玄。天。上。帝。讚。曰。玄。黃。一。氣。肇。形。始。青。上。應。張。翼。下。炳。炎。  
精。開。張。萬。範。宰。輔。三。清。功。滿。道。備。通。神。通。靈。崇。應。大。帝。  
讚。曰。德。被。萬。物。威。形。四。方。下。統。三。界。上。佐。玉。皇。道。贊。天。  
地。教。演。綱。常。分。身。救。劫。保。制。延。康。上。德。真。君。讚。曰。大。洞。  
教。主。長。生。真。王。糾。察。三。界。禍。福。四。方。輪。迴。救。苦。壽。域。儲。  
祥。億。千。萬。化。主。宰。文。昌。孚。佑。帝。君。讚。曰。斯。文。宗。主。釋。道。  
真。如。玄。風。清。逸。慈。範。魁。梧。功。叅。天。地。化。育。賢。愚。飛。鸞。顯。  
蹟。幹。運。璇。樞。垂。恤。忠。孝。勸。懲。邪。誣。弘。仁。廣。嗣。錫。祿。除。瘡。

百靈拱伏。萬彙咸甦。讚之以道。道不在書。書之以德。德不在圖。大哉文祖。允矣真儒。

靈驗事蹟 八十七條原  
六十六條

孫樵

唐會昌乙丑冬。進士孫樵。過帝君祠。夜黑雨滑。樵祈帝君。指道禱畢。忽現火光如晝。得歸。大中庚午夏。樵歸秦。行及山足。猛雨如雹。樵復疏曰。帝君能神。返雨爲晴。曩火乃靈。俄而迴風大發。四山開霽。樵感而爲文。以祭奉禮益虔。

僖宗

唐黃巢陷華州。僖宗夜遁。巢遣朱溫追。僖宗馬斃。幾爲



文帝全書 卷一 一七  
賊及帝君以自乘白驢奉僖宗。擁衛至劍南。僖宗幸帝君祠。祀以太牢。解佩劍爲贈。封濟順王。祈助討巢。巢果伏誅。崇祀益虔。

蘇仲

宋眉山蘇公仲。力行陰騭。文蜀地大荒。捐膏腴產三千畝。濟活饑民無算。乃生子洵。一日洵遊玉局觀。得張仙像。每旦虔禱。四年生子軾。又二年生子轍。仙卽帝君也。帝君本應張宿。故化生多姓張云。

雷有終

咸平庚子。益州王均叛。使雷有終討之。祈於帝君。夢帝君曰。吾遣神兵助汝破賊。均就擒。有終奏聞。錫號英顯。

張昌

紹熙壬子。瀘卒張信作亂。殺守帥張孝芳。帝君當正晝見於閱武堂。信黨恇潰。張昌因擊殺信。瀘遂平。

安丙

開禧丙寅。蜀帥吳曦叛。僭稱蜀王。祈於帝君。帝君示夢曰。蜀王悉付安丙矣。曦以語其黨。皆不解。時安丙以隨軍轉運在魚關。奉密詔。命進兵討賊。梟曦於興州。

苟洙

開禧丁卯。蜀中苟洙父子。建祠於摩圍山後洞。帝君自爲紫府飛霞洞記。夜書碑石上。弘治間。四川學使者王。敕爲跋。謂字畫飄逸。如羲之十七帖。而端勁過之。

王鏊

明王文恪公鏊。申文定公時行。虔奉帝訓。身體力行。文恪中會元。帝君現於闈中。文定中狀元。靈芝生於几上。二公文章相業。卓越千古。子孫科甲綿延不絕。

英宗

正統乙巳秋。英宗北狩。錦衣衛千戶林茂。祈於帝君。示籤示夢。皆許復還。祝曰。卽有應當建祠。旣而復辟。茂以狀聞。命工部賜額迎禧。

彭澤

正德癸酉夏。蜀寇藍邢亂。都御史彭澤討之。祈於帝君。帝君降筆爲詩。示攻取方畧。竝破賊期。初寇亦祈於帝君。帝君不答。舉火焚祠之。桂香樓。大雷電雨雹擊之。走寇尋滅。如降筆期。

顧夢鯉

顧侍御夢鯉。號禹門。崑山人。爲諸生時。虔事文昌。力行寶訓。夢帝君曰。子名在一六。題儀封人。請見。覺而不解其義。萬歷甲戌科。闈中卷與孫月峯並擬元。填榜時。始置第六。謁選得河南儀封縣。循績報最。擢御史。

顧丁璞

顧丁璞。字湘佩。康熙丙午。應試秋闈。夢謁帝君。帝君袖出一方紫玉曰。與汝。丁璞受而懷之。又出一玉如前。又受而懷之。榜發。果領薦。丙辰成進士。今以陰騭文每句作一頌。有刻本行世。

王道新

崇禎癸未年。濟寧南關。有梓潼帝君關聖帝君二殿。久圯。庠生王道新。陳益修等。捐貲競勸。鳩工重修。卜吉上梁。廟後界於清真寺。回教楊生花。楊化龍。侵獵廟地。糾黨折逐。益修不平。偕兄嘉修。弟尙謙。王宏等。公呈總河。禁止生花銜憾。邀截益修於途。捶毆幾斃。剗其雙目。以倭刀插數次。塞以礮灰。惡爲得計。斷無生理矣。夜半夢一綠袍偉人。持酒救之。命嚙之。有聲。家人驚聞。次夜又夢一唐巾藍衣。排闥而入。趨益修起云。吾來醫子。手擊

腦後死血迸出。目孔噴血如注。至三夜。見一老嫗。先餉以杏。繼餉以李。使吞之。又投羊眼盈把。益修接之。吞其二。兩目復生而明矣。益修恐生化等。復思害之。避去舊里。甲申年。流寇郭升至濟寧。將生花合族十三口。一一剜目剖心。戮於市。州人快焉。乙酉。學政校士。拔陳氏兄弟俱高等。鄉試益修。竝弟尙謙。同修廟王宏。王道新。俱中式。聯登甲第。益修授江南貴池令。有襄城賈壯。楊蘇霖。作傳記以垂世。

龔璋

武林龔璋。字爾茂。於順治十一年甲午五月初旬。家居曝書內。見一紙。乃帝君陰騭文。言言金玉。字字菁蕪。遂發願刊施。刻成供於堂上。是夜。室人郭氏臨產。惡血幢嘔。命已垂危。至四鼓。忽假寐。夢帝君臨軒端坐。側侍二童。隨鶴百餘。前後圍繞。見一鶴向屋銜汗穢而去。帝君逍遙歷層雲而上。醒卽安泰如初。璋向患眼疾。風淚作楚。數年來昏眊不明。庚子二月。望前齋戒三日。虔禱帝君。次日忽然光明。風淚頓除。璋又患痔有年。坐立痛楚。默禱帝君。求除錮疾。禱畢。忽然抖戰。腹內如冰。不一飯

文帝全書 卷一  
間。錮疾永除。璋自順治十一年。至康熙四年。每年印施陰騭文。徧行諸省。數已十萬張。又勸諸善士刊施。或一萬。或二萬。數年內。共計有二百餘萬。於康熙元年。廳前印文處。晝見帝君聖像。絳袍玉帶。積誠感通。非僅夢寐通靈也。

徐氏

璋姪佳蔚。姪媳徐氏。臨產雙生。於辰時生一子。其一子至酉時尚在腹中。母子一絲弱息。驚惶無措。蔚祈於帝君。願施陰騭文萬張。叩畢。卽分娩。母子俱安。

龔賢

璋僕龔賢。傷寒四十日。而轉痢。病已危。璋禱於帝君。願施陰騭文萬張。求其痊可。方禱之日。僕遂沉睡。次早卽食粥。漸愈。逾八載。復病將危。璋急誦帝君本願經一卷。誦畢。僕病卽痊。

李氏

璋姪佳穎。姪媳李氏。患痞疾二十年。腹內成形。每發。痛苦欲絕。穎因虔禱帝君前。立願刊施陰騭文二萬。李氏久病。一旦消除。

郭氏  
璋妻郭氏病亡。合家環泣。璋向帝君前虔誦本願經。竝陰騭文各一遍。求釋至二鼓。氏遂甦。問其故。云有青衣使者。票拘氏行。隨至五里外。見一仙長。持拂追至。令我與使者同回。使者恐悞。限不便。仙長云。氏不可去。出一陰騭文示之。使者見文自去。氏得復生。

華福

璋僕華福。年七十有二。病痰喘。二月初三日。祝帝君聖誕。璋喚福祈禱。早晚供侍香燭。福病次日即愈。今八十

餘。精力堅強。

朱瓚

璋於堂上供陰騭文。朝夕瞻禮。思得帝君聖像。苦無名筆。至都門。聞有寧波朱瓚。名甚盛。寓友人劉君菴家。璋備資往求。瓚因事冗延閣兩月。忽抱恙。命危。呼吸。君菴言其狀。璋云。不速。繕帝君故至此。虔誠速繕。可立愈。瓚時不能起。默想聖像。稿方成。病患立解。至今聖像莊嚴。尤極靈應。

丁香樹

璋在都門日久。廳有丁香大樹二株。右一株因宴客拴馬。樹皮四圍剝盡。枯死已經一載。璋頌帝君本願經有云。一應草木。承此經者。已枯使榮。轉更茂盛等語。誦不十日。樹果復榮。

王仲

璋有親王仲者。陞授安順府知府。別時惠璋花木數株。北地寒。有石榴一株。已斃。全無生意。至五月十五日。命移至堂中。囑曰。汝雖枯而本體尚存。當聽我誦本願經。因設香案。誠心端坐。誦之不半月。其樹復生。觀於此。則

帝君之靈驗。又非特禍福斯人已也。

華時芳

維揚華時芳。在都門。因公務往山西。有御史梁熙。刊施帝君陰騭文數萬張。途次廣佈。因芳往晉。亦授百張。芳行至潞安府。老馬嶺。忽遇一虎。進退兩難。芳在嶺望空叩禱於帝君。願施陰騭文五千張。虎退去。得免難。

謝紹銓

順天宛平人。謝紹銓。年四十。乏嗣。順治己亥冬。發心刊施陰騭文萬張。龔璋勸其放債。毋取厚利。通人緩急而

量取之。謝欣然聽從。先年其妻患弱病。屢孕不育。至是病痊。與妾各生一子。生子之後。復又刻施。紙有破損。不及揀去。一友往平谷縣作幕。付文二百張。到縣普勸。是夜謝夢持文至平谷幕。見帝君從幕出。問持何物。呈陰騭文。帝君揀出破損者。謝遂驚醒。

### 錢桂徵

國學錄錢桂徵。患火症。每作字數行。頭目俱疼。不勝其苦。立願手書陰騭文三百篇。方舉筆。病不復作。

### 陳正文

錢塘陳正文。住杭州官巷口。因在京候考。過龔爾茂寓。知帝君報應諸善事。遂於神前立願。力行陰騭文。是夜夢見神語云。汝既立心行善。今將汝屋宇俱改換矣。及視之。屋宇如銀錫裝成。不兩月。接家信云。官巷口千餘家。俱遭回祿。惟陳屋數間不燬。

### 錢志遠

會稽錢志遠。母王氏。自幼崇信神明。於順治十八年冬。病危。時年八十有一矣。志遠虔禱帝君。許印陰騭文萬張。不數日。母病即愈。



文帝全書 卷一  
范啟運

范啟運染黃病五載。漸至飲食不進。危在旦晚。龔璋勸其刊施陰騭文。啟卽齋戒三日。時壬寅二月朔。叩祝神前。願刊施一萬張。禱畢。覺精神頓爽。黃病遂愈。

金維陞

紹興金維陞母阮氏。於康熙癸卯夏。染熱病劇甚。服藥罔效。乃與弟維陞虔禱於帝君前。願施陰騭文五千張。是夜母病卽愈。

馮標

兵部主事馮標。於康熙二年五月十四日。傷寒病危。諸醫束手。伊姪弘道泣禱於帝君。願施陰騭文萬張。是夜夢帝君至。環繞三匝。撫其背而言曰。汝病卽愈。汝前程尙遠。卽諭青衣使卒數起。命回。勿爲病祟。醒來病日輕。半月全愈。

夏芝生

澄江夏芝生。客居京邸。因念七旬老母。久缺奉侍。康熙癸卯七月望日。向帝君前許施陰騭文萬張。祈母長壽康健。未幾家信至云。母患發背已久。於七月望日忽愈。

金伯益  
山陰金伯益年逾四旬未有子妻搖氏屢遭產難一日小產心腹絞痛危急因虔禱於帝君前願施陰騭文萬張求妻病愈是夕搖氏夢亡僕捉之偕去惶遽莫解忽見帝君臨家亡僕隱退醒卽愈

姚鼎

新安姚鼎字以象於康熙癸卯正月元旦帝君垂訓乩壇又示蕉牕十則乃功過格中切要之語

沈鹿鳴

直隸涿州有刑書沈鹿鳴奉官差上京適妻病危篤鹿鳴詣帝君前誓改前非力行善事許施陰騭文萬張晚見家童至云主母已故卽奔回而妻復生驚之妻云昨行至中途見值日功曹言汝夫已有善願得以復生時康熙三年閏六月十九日也

丁同義

丁同義年四旬得一子名壽兒偶患痰疾十餘日昏迷不醒遂往帝君前虔禱願行陰騭文是夜妻范氏夢一神峩冠博帶入中堂危坐儼帝君像氏卽焚香叩謝祈

求壽兒病痊。拜畢。帝君駕雲而去。是日壽兒病即痊。

金楚谷

吳江金楚谷。有幼子患痧疹。勢危。諸醫束手。因發願印施陰騭文。以丐一命。疏方焚。即不藥而愈。

柴士侃

崑山柴士侃。字藝循。辛亥歲。妻萬氏。產後傷寒。病勢危篤。因虔叩帝君前。願刊施陰騭文萬張。是夜萬氏忽然病減。

劉君庵

揚州劉君庵。居都門。吏部從事。其母病昏迷。不知人事。君庵於家庭中。虔設壇臺。五鼓時登臺。望帝君前祈禱。立願刊施陰騭文二萬張。少頃。母即甦醒。云。我已被人喚去。同披髮垢面百餘人。忽一老人至。特命我回家。似夢初覺。病遂愈。

俞允

山陰俞允。在京抱病。熱極。不省人事。其親金伯益詣帝君前虔祝云。俞允病痊。即刊施陰騭文。是夜允夢帝君端坐。一藍衣朝服老人。執籍稟云。俞允病危。求救如何。

發落。帝君許增壽一紀。醒卽病減。數日而愈。

許丙坤

山陰許丙坤。因妻病虔求於帝君前。立願刊施陰騭文。萬張。妻病遂愈。

辛姓

直隸辛姓。年逾六旬。病瘋癱。疼痛不止。滄洲徐皞。偶至。辛所備言。帝君顯應諸事。辛遂發願云。我惡病年餘難起。若得帝君顯佑得痊。當終身普勸。以廣聖德。發願畢。忽然踴躍。行動如常。

顧浣心

顧浣心。自幼崇奉帝君。叩無不應。康熙十年夏初。星家推祖母湯氏。壽當終於本年十月。浣心深憂之。至十月。湯氏果病。浣心危急。卽於諸氏館中。拜懇帝君。晝夜焚香不輟。祝祖母壽。不數日。湯氏卽全愈。

陶延先

紹興陶延先。五旬無子。因虔禱於帝君前。願刊施陰騭文。萬張。求子。不數年。妻妾生三子。

陸以恬

三韓陸以恬。字澹庵。康熙辛亥年入都。于友人齋頭讀帝君陰騭文。觸目警心。不敢縱逸。矢志刊施萬卷。壬子癸丑兩年。將館資刷施八千卷。乙卯秋。遂登鄉薦。

### 彭定求

吳郡彭太史諱定求。字凝祉。舉家敬事帝君。康熙壬子。領鄉薦。甲寅中秋日。帝君降乩於其家。有訓文三篇。心懺一部。命刊做世。諄諄懇切。公卽虔刻印施。夙夜敬禮。至丙辰會狀聯元。益凜帝訓不爽。

### 周士廉

四川成都府周士廉。善士也。向刻感應篇。陰騭文。施送遠近。一日送至某家。途遇青衣二人。拘至冥府。見門上有東嶽宮三字。殿中巍坐三聖。檢閱冊籍。廉詢執事。云中坐者東嶽。左爲雲麾使。右爲糾察司。俄報梓潼帝君入府。三聖相延上坐。交接之餘。詢帝君何事降臨。帝君曰。上帝憫下方衆生。好惡不已。爰降玉音。煩聖帝轉行各府城隍。檢造冊籍。大者刀兵。小者瘟疫。曾有之乎。聖帝曰。然。冊籍具在。可考而知也。帝君曰。我體上帝好生之心。欲擇善士。佈告天下。開以自新之路。聖帝曰。善人

難。寄托更難。帝君曰。天下爲善者不少。卽成都而論。周士廉非耶。糾察司云。士廉壽數已終。業拘到案。帝君請加壽一紀。使廉宣揚此意。以免天下死亡之苦。於是呼士廉入殿。諭以前言。士廉恐無人信從。請明驗。以質天下。帝君曰。有不信者。以本年十二月。刀兵爲驗。時康熙十二年正月十二日也。二青衣送士廉出府。至一高山。上云。卽汝家。士廉一躍而甦。卽以此事刊告秦晉間。彼都人士。皆驚信從之。

江暄

江暄。嘉邑人。甫弱冠。虔奉文昌帝君。因姊病。卽施陰騭文。所愈。姊隨起。暄夢帝君名之曰。汝女兒病愈矣。益宜堅心。力行陰騭。慎勿有始無終也。寤而儆惕。復卽施萬張。

倪象鴻

當湖倪象鴻。字芽始。初於張抱一齋頭。見帝君報應錄。卽發心刊布。而躊躇乏力。忽八月廿七夜。夢見帝君云。有好善者。協心樂舉矣。詰朝果有曹子曰。永來云。家弟姪輩。喜捐金公梓。倪深感靈應。至神。隨付梓工。遍施廣。

布。

張子英

康熙十二年癸丑夏日。當湖倪象鴻。曹景。張培。曹澐。金協廣。曹志周。曹渙。重梓。帝君報應錄。甫成。適張氏子英者。一子三歲出痘。十三朝尙無漿。諸醫無策。乃延羗希文。請仙。仙示以一方。服之。痘果起。然因膚薄。大半皆破。又請仙。仙又示以末藥。外敷。且云。此子今番無恙。但須有延年之術。近有倪子等。所刻文昌帝君報應錄。印施三百本。普勸廣行。陰騭。則壽可永矣。

嚶柯炘嚶音雷

吳嚶柯炘。字以素。奉帝君。曾刻報應錄。勸世。康熙甲寅十一月初八夜間。與張凝元。弟兄父子。暨李謙。朱寧。約同一舟。在江橋鎮。舟忽覆。炘坐艙中。不覺身出艙外。牕柱。篷板等物。俱散去無礙。時夜黑水深。炘立水中。不沒。卽傍他舟而起。凝元諸人。俱無恙。次日有門人滕新云。曾夢見帝君語。以炘等。數人水厄。早已知之。豫爲救護。靈應如此。

王載

吳江王載。字咸平。於康熙丙辰歲八月。長男孫晃。忽遭危病。醫治無門。憶前刊布陰騭文。仗帝君神力得起者。歷有奇驗。遂發心虔禱。願刊施三千紙。以丐一命。歸而昏眩立止。

胡旭彩

姑蘇胡旭彩。生平不信因果。於康熙庚申六月。偶見陰騭文。攜歸讀之。不覺惕然悔悟。至於悲泣。曰。我一生恣憑胸臆。損人利己。今觀果報。彰彰不爽如此。余罪通天矣。遂立願印施三千本。冀消罪孽。及願方完。一日偶染

微疾。謂家人曰。頃假寐間。見文昌宮紫衣數人迎我。未幾。跌坐。持元皇寶號。不輟。瞑目而逝。

江弘基

松陵江弘基。因妻染患危篤。焚香露禱。願刊聖訓廣布。禱畢。妻病即愈。

張國輔

張國輔。於康熙戊申年。患目病。醫藥不愈。因虔禱帝君。前願刊施陰騭文萬張。刊刻甫成。目疾旋愈。

金以祥



金以祥。偶患血症。服藥不效。客寓峽石鎮。適見帝君陰  
騭文。遂發願刊施。以廣聖訓。方舉念。病卽漸愈。

戴紫霜

戴紫霜。於康熙乙丑年。十二月十五日。忽患牙疼。痛苦  
無比。至夜半。思及婁門道署前。見帝君寶訓。後叙刊施  
應驗。歷歷不爽。卽發願刊布五千張。禱未絕聲。疼痛立  
止。

金達生

金達生。於康熙癸亥年。染癆傷雜症。六載未痊。偶一友

言及帝君陰騭文。感應甚速。遂往聖帝前。焚香誓許。刊  
施五千張。至三日後夜間。忽見聖像現前。其症卽愈。

顏章敬

顏生愉。名章敬。平日敬事帝君。康熙丁巳。夢帝君授書  
一冊。額曰丹桂籍。開視之。則陰騭文也。因發家藏善本  
刊布。今之丹桂籍是也。

顏秉衡

顏秉衡。生愉之次子也。痘現復隱。氣喘發斑。醫者束手。  
生愉虔禱帝君。願刊施陰騭文五百卷。求轉死回生。秉

衡是夜見朱衣拂其體。遂愈。

胡氏

胡氏。生愉之妻。忽病寒熱。醫藥不愈。夢見家中所供帝君聖像不全。醒告生愉。乃憶前所見府治前聖像。左右足俱剝落。卽往請歸裝彩。胡病霍然。

張氏

生愉妾張氏。臨產艱難特甚。舉家惶恐。禱於帝君。遂得分娩。母子俱安。

鄭香孩

鄭香孩。名天香。箋金剛經註解一部。與顏生愉丹桂籍同梓於馬君梁家。前康熙丁巳秋。生愉夢帝君授丹桂籍時。空中詠詩。有秋高桂子和天香之句。蓋定數也。

陸琪

陸琪。字在石。爲人孝友。敦氣誼。忽遭痢症。病勢危殆。心許印丹桂籍百部。人未知也。顏生愉館其家。代禱帝君。夢四人者。索丹桂籍甚急。不言部數。但云不可遺失一頁。以告在石。在石曰。此願何遂。入子夢乎。不言數者。許百部也。卽捐貲發印。病遂愈。

楊士驥

陸在石之焚丹桂籍也。因錯釘遺失者十二本。再檢復得七本。生愉夢中所云。不可遺失一頁之言。蓋謂此也。定期二月初四。發肆重釘。改初五。又星士湯函谷云。宜初七。有楊士驥者。夢於初七日。以柏枝舉火。焚丹桂籍。竝聞鑼鼓。後焚籍時。果西鄰王氏幼子。戲作鑼鼓聲。而舉火以柏一如士驥夢中所見。聞時康熙丙子也。

楊大神

顏生愉。夢往錢明宮。謁鄧都楊大神。神爲起立。揖之。跪起。生愉以病求庇。大神曰。無虞。丹桂籍可付我數部。時丁丑歲朝。起拜帝君祠。後寢宮門大開。有像卽夢中所見之大神也。遂以十套焚於殿樓。

伏魔菴

陸在石以伏魔菴帝君像。供奉座未妥。僧人請完左樓。以爲文昌閣。言於生愉。因問右是大悲閣否。曰。非也。何故。問此。生愉言。昔年曾夢上一文昌閣。開牕望右樓中。供多手像。意爲大悲閣也。庭有三梧桐樹。在石曰。此處果有大梧桐。去年爲颶風吹倒。卽同往。先登右樓。有佛龕。

文帝全書 卷一  
問之。僧曰：此斗姥也。今左樓成以奉帝君，正與斗姥閣相對，一如昔年夢中所見，豈非事皆有前定乎？

補遺

二十  
一條

徐 奭

徐奭狀元及第之歲，有蜀中二舉子過帝君廟宿禱，兆於夢，以占得失。忽見廟中燈燭輝煌，鬼神雜遝，諸神擬題作賦，朗然誦畢，云：當名作狀元者，授之二子，謂爲己發也。及試題，果鑄鼎象物賦韻，腳盡同，乃思廟中所書，各不得一字。草草而出，被黜。狀元乃奭也。亟索賦觀之。

與廟中所誦無異，遂罷筆入山。

王用予

太原忻州諸生十餘人，爲文昌社，推王用予主盟。正統辛酉元旦，用予赴宮宿，夢帝君升殿，天下城隍彙報鄉試榜冊，一神抱送帝君簽押。用予問神：有己名否？曰：無。忽聞傳呼王用予入見，帝君曰：汝祖父樸謹無過，已註爾前榜鄉科，因汝神前默祝，俱未祈保，孀母楊氏以此獲罪，降兩科，爾名在下榜五十三名。汝宜孝謹，用予謝罪，後果然。

周吉

周吉者。王用予同社。最恂懦。文字不逮俞郁諸人。帝君示用予云。今科本省榜首。卽吉也。因一家祖孫父子。簡靜基福。註昌三代。今吉發祥。特肇端耳。用予問俞麟郁。從周帝君示云。俞麟應得一科。因事親腹誹。故黜。至郁從周原應早登科第。至大官。壽考善終。因恃才凌物。諧謔譏彈。上帝震怒。悉除所有矣。是科榜發。解元果周吉。

邱濬

邱文莊公濬。幼服帝訓。每日持誦孝經。一夕靜懃。文鏡

齋頭。夢帝君告誡曰。子誠能廣布經文。普勸世人。我當保汝甲第。聯登位極。人臣因與同人構梓。翻刻廣施。凡五千餘卷。闈試之日。見奎斗執筆挾卷。跳躍於前。卷上大書金字曰。文昌孝經。須臾不見。頓覺祥光滿場。屋異香襲肢體。文思大徹。揮毫如意。果得高擢。

程一德

宋程一德。粗知字義。孜孜欲人爲善。每遇嘉言善行。輒刊刻施人。夜夢梓潼帝君語曰。汝諸刻已錄報天庭矣。上帝許昌汝後。自是典籍不學而曉。子孫俱少年高第。

明道伊川兩先生其後裔也。

李登

李登年十八魁鄉薦。後五十不第。詣葉靖法師問勘。師叩文昌帝君。帝命吏持籍示之。李登生時賜玉卽十八中解元。十九中狀元。五十二位至右相。緣得舉後私窺鄰女。以此遲十年。降二甲。侵兄李豐屋基。又遲十年。降三甲。淫一官家婦鄭氏。又遲十年。今復盜鄰居室女。爲惡不悛。已削其籍。終身不第。師以告登。登愧憾死。

俞宣陛

山陰俞義昭公諱宣陛。會稽庠生。年四十外無子。一日至九嶺收租。獨宿樓上。有鄰家婦素不端。夜就公公。連曰請回。婦愈逼。公厲色拒之。乃退。是夕夢張仙與一彈子。遂生繡升公。

張生

萬曆間京口張生有文名。七試不第。禱於文昌。夜夢神怒責曰。天罰至矣。尙望中乎。汝歷年居館。束修頗厚。汝不能教其子弟。反爲改作文字。欺其父兄。悞其終身。汝資用服食。皆取給於人。亦已足矣。猶聚徒賭博。破人身。

家爲師者當如是乎。張驚寤方圖改過。忽其徒某生因賭而鬪。爲某毆死。張株連刑辱。財盡快快而死。

尤侗一

長洲尤太史侗。字展成。六十二歲時。帝君頒勅。一道。命自陳誓詞。復親降壇教戒。二月三日聖誕。作桂香殿賦。以獻。右局杜諱喬林。黃諱道周二真人。俱激賞。合詞保奏。尤侗道心精進。保無退轉。應召還本職。使其安享餘年。再聞大道。帝君準命局中。咨查城隍等司。回查申奏。上帝施行。後展成八十六歲。年高而健。晉翰林侍講。

尤侗二

元皇勅曰。爾以灼灼才華。稜稜意氣。夢江郎之筆。成楊子之篇。奈何桃葉渡頭。怨秋風之搖落。盧龍塞上。同旅鴈以空歸。問舍求田。終傷貧窶。灌園栽柳。未盡遨遊。薄宦已虛。浮生倏老。綺言逸韻。何裨益於身心。壯節悲歌。反招尤於朋類。命之窮矣。道不行哉。不遇神天。曷趨苦海。幸留真氣。可示迷津。以故羈旅同逢。幽人聚語。示爾明春之信。將膺文學之班。雖曰空華。稍抒沉鬱。從此笑東方之傲謔。早晚投簪。陋北海之狂豪。晨昏奉斗。再葺

亭池。共招風月。看驥子之飛鳴。慰荆妻之先逝。亦可俯仰無憾。壽命還延。再望天階。復還仙侶。慎勿忘此錫命。失爾良緣。其言沉痛。刻入骨髓。使人感涕。時尤方應博學鴻詞之召。明年遂授館職。至壬戌。其子尤珍亦選庶常。癸亥。尤請急歸。與勅詞若合符節。杜真人云。尤位在文昌宮中。故有復還仙侶之語。

尤侗 三

其與彭駿孫凝祉文洽同上。公疏又各具誓詞。發露懺悔也。元皇答教云。爾等既有誠心。自加獎拔。盟誓已出。

須要時時檢點。自古聖賢以及仙真。莫不歷盡艱難。苦持功行。萬念歸正。一事勿欺。著書以正人心。爲本立己。以扶世道爲先。乃得配享廟廷。追陪天闕。生或掩抑。死必彰聞等語。

湯聘

順治甲午。溧水湯聘就試省城。病劇而逝。忽魂自頂出。懇求觀音大士指引。大士命謁孔聖。繼謁文昌。註名祿籍。查某年月日。湯某買舟詣臯。舟人少女。美姿善謔。意欲就湯。湯正色拒之。當前程遠大。亟命還魂。後登辛丑。



進士

羅鞏

梓潼縣羅鞏入上庠。過文昌祠。默禱帝君。夢告之曰。子已獲罪天曹。宜亟還鄉。前程事無復問也。鞏懇曰。生平操履俱無過失。願聞罪由。帝君曰。子無他。惟父母久不葬爾。鞏曰。家有兄弟。何獨歸罪於鞏乎。帝君曰。以子習禮義爲儒者。故任其咎。其餘碌碌不足責也。鞏既寤。悔憾。治裝還鄉。未及家而卒。

沈姓

仁和沈姓。精堪輿術。人亦謹厚。不知敬惜字紙。忽一夜夢。追攝至公府。殿宇森嚴。榜曰文昌殿。見堂上懸一牌。大書四句曰。成人在字。字在成人。人不敬字。字不敬人。忽一人喝曰。知未。遂驚覺。方知悔過。述夢勸人。未幾卒。

金見星

金見星。誓戒殺生。後因兒維城瘡。殺雞祈禱。見常見雞爲祟。又以蚯蚓竝殺雞。蒸汁發痘。兒飲汁一口。卽臥。至半夜忽醒。言蚯蚓索命。蒙文昌帝君抱見玉帝。諭今後勿復犯戒。因放歸。後兒卒不救。因犯戒殺雞飲汁故也。

星自記以誌戒而復犯之報。

趙師普

昆明諸生趙師普。力學士也。屢困場屋。遇神祠輒禱焉。夜讀假寐。夢入一第。見帝君上座。旁一人命拜階下。帝君顧吏取冊示之。俄吏捧冊至。凡五束。一福命。姓名籍貫列右。一孝行。一陰德。一祖德。一禍報。五束俱無己名。遂寤。以所記數人錄而藏之。後福位者登顯位。禍報者雖由科第得官。竟賈奇禍。趙亦以諸生老。

楊啟元

楊啟元。屢試春官不第。奮然曰。得非吾有過差乎。乃供文昌帝君。旦夕虔禱。曰。有如志富貴。不志道德。爲身家不爲生民。上負吾君。下負吾親。神明鑒之。三年果登第。

金子白

嘉興金子白。康熙癸酉。夢迎天榜。一朱衣者。引入文昌殿前。子白隨入。見一一唱名。至張某。帝君曰。此子不當中。擇下科應中者。易之。朱衣曰。榜已定。奈何。帝君曰。如嘉興學修文昌閣。此子侵用物料。以修私舍。卽不敬矣。竟易之。及往覘張某。三場甚得意。自詡高第。榜發竟不

中。楊某  
康熙甲辰會試。有四川舉人楊某。場畢候榜。與同年飲。偶出仆地。移時始甦。叩之。云甫出戶。有二卒強之行。至一公府。有王者南向坐。文昌帝君坐其傍。項之有吏引其父母至。王者問云。今年汝子合中進士。汝願之乎。其父拜謝。母獨曰。不願也。王者叩其故。母曰。此子不孝。昔避寇入山。令其暫歸視家室。適郡檄催謁選。遂赴都。中途稱病返。而母已死。至今飲憾。故不願也。帝君顧吏檢

簿。語王者曰。以高某代之可也。及榜發。則高宗礪中式。楊果黜。侍郎李仙根言之。

### 金某


曹村金某。未入泮時。印施陰騭文不倦。已而見玉峯彙編。功過格一書。敬信力行。進試文宗閣。金卷將置之矣。假寐。見魁星促之云。此佳文。何不錄。如是者至再。遂拔第一。謁謝時。詰其平日必有陰德。金答以奉行陰騭文。功過格。烏程陸西皓璜。少年篤行士也。與金某善。因愈敬信是書。康熙丙寅歲。遂遊庠。家貧。徒步至崑。勉力印

施二十部。奉行益力。陸晤崑。庠張月仙。錫桂。面述其事云。

王雲翔

漢陽同守王君雲翔。雍正癸丑進士。二月十五出場之夕。夢吏持公文呈投云。恭賀首選。拆閱則己名在榜末。下註純孝二字。後榜發。果中二百八十一名。題名錄所列上下前後姓名。俱與夢中所見無異。未敢以告人也。壬戌晤同年奉天府丞傅君爲許。告以是科發榜之前。夢己名下註孝行二字。凡榜上有名者皆註二字。與王

君夢同。然後知吏所云首選者。乃孝行中第一也。科名之重孝如是。



			文 帝 書
			卷 一
			四 三

